

索酒。頃刻飲十餘家。醉態如初。不穀食。惟啖蜈蚣蛛。蜘蛛。及一切蟲蟻之類。市兒驚駭。爭握諸毒。以供每遊行時。隨而觀者。常百餘人。人有侮之者。漫作數語。多中其陰事。其人駭而反走。監中嘗畜乾蜈蚣數十條。問之。則曰。天寒酒可得。此物不可得也。伯修予告時。初聞以為傳言者。過召而飲之。童子覓毒蟲十餘種。進皆生噉之。諸小蟲浸漬盃中。如雞在醢。與酒俱盡。蜈蚣長五六寸者。夾以柏葉。去其鉗生。置口中。赤爪猶猶。屈伸唇。見者肌栗。叟方得意大嚼。如食熊白豚乳也。問諸味孰佳。叟曰。蝎味大佳。惜南中不可得。蜈蚣次之。蜘蛛小者勝。獨蟻不可多食。多食則悶。問食之有何益。曰。無益。直戲耳。叟與余往來漸熟。每來踞坐砌間。呼酒痛飲。或以客禮禮之。即不樂。信口浪譚。事多怪誕。每數十語必中一二語入微者。詰之不答。再詰之。即伴以他辭。對一日偕諸舅出遊。談及金焦之勝。值叟二舅言某年曾登金山。叟笑曰。得非某蔡戎置酒某幕客相從乎。二舅驚愕。詰其故。不答。後有人竊窺其籃。見有若告身者。或云曾為彼中萬戶。理亦有之。叟蹤跡怪異。居止無所。晚

宿古廟。或闌闌簷下。口中常提萬法歸一。一歸何處。凡行往坐眠。及對談之時。皆呼此二語。有詢其故者。叟終不對。往余赴部時。猶見之沙市。今不知在何所矣。石公曰。余於市肆間。每見異人。恨不得其蹤跡。因嘆山林巖壑。異人之所窟宅。見於市肆者。十一耳。至於史冊所記。稗官所書。又不過市肆之十一。其人既無自見之心。所與遊。又皆屠沽市販。遊僧乞食之輩。賢士大夫。知而傳之者。幾何哉。往聞澧州有冠仙姑。及一瓢道人。近武漢之間。有數人行事亦怪。有一人類知道者。噫。豈所謂龍海而隱者哉。

拙效傳

袁宏道

家有四純僕。一名冬。一名東。一名成。一名奎。冬即余僕也。掀鼻削面。籃睛虬鬚。色若繡鐵。嘗從余武昌。偶令過隣生處。歸失道。往返數十迴。見他僕過者。亦不問。時年已四十餘。余偶出。見其淒涼四顧。如欲哭者。呼之大喜。過望性嗜酒。一日家方煮醪。冬乞得一盞。適有他役。即忘之。案上為一婢子竊食盡。煮酒者憐之。與酒如前。冬偃偃突間。為薪焰所著。一烘而過。鬚眉幾火。家人大笑。

以見拙者之效矣。

一瓢道人傳

袁中道

仍與他酒一瓶。冬甚喜。挈瓶沸湯中。俟煖即飲。偶為湯所灑。失手墮瓶。竟不得一口。瞪目而出。嘗令開門。門樞稍緊。極力一推。身隨門闕。頭顱觸地。足過頂上。舉家大笑。今年隨至燕邸。與諸門隸嬉遊半載。問其姓名。一無所知。東貌亦古。然稍有談氣。少役於伯修。伯修聘繼室時。令至城市。餅家去城百里。吉期已迫。約以三日歸。日晡不至。家嚴同伯修門外望。至夕。見一荷擔從柳堤來者。東也。家嚴大喜。急引至舍。釋擔視之。僅得蜜一甕。問餅何在。東曰。昨至城。偶見蜜價賤。遂市之。餅價貴。未可市也。時約以明納禮。竟不得行。戚至皆三弟僕。戚常刈薪。跪而縛之。力過繩斷。拳及其胸。悶絕仆地。半日始甦。奎貌若野獐。年三十。尚未冠。髮後攢作一紐。如大繩狀。弟與錢市帽。奎忘其紐。及歸。束髮加帽。眼鼻俱入帽中。駭嘆竟日。一日至比舍。犬逐之。即張空拳相角。如與人交藝者。竟嚙其指。其痴絕皆此類。然余家狡獪之僕。往往得過。獨四拙頗能守法。其狡獪者。相繼逐去。資身無策。多不過一二年。不免凍餒。而四拙以無過坐而衣食。主者諒其無他計。口而授之粟。唯恐其失所也。噫。亦足

一瓢道人。不知其姓名。嘗持一瓢。浪遊鄂岳間。人遂呼為一瓢道人。道人化於澧州。澧之人漸有得其蹤跡者。語予云。道人少讀書。不得志。棄去。走海上。從軍。時倭寇方盛。道人拳勇非常。從小校得功。至裨將。後失律。畏誅。匿於羣盜。出沒吳楚間。久乃厭之。以貨市歌舞妓十餘人。賣酒淮陽間。所得市門貲。悉以自奉。諸妓更代侍之。無日不擁艷冶。食酒肉。聽絲竹。飲食供侍。擬於王者。又十餘年。心復厭之。亡去。乞食湖湘間。後澧人初不識。既久。出語頗狂。多奇中。發藥有效。又為人畫牛。信口作詩。有異語。人漸敬之。饋好衣服飲食。皆受而棄之。人以此多延款。道人棲古廟中。一日於爐炭裏取金挺。付祈云。為我召僧來。禮懺懺畢。買一棺自坐其中。不覆。令十餘人移至城市上。手作拱揖狀。大呼曰。年來甚擾諸公。貧道別矣。雖小巷間。無不周遍。一市犬驚。復還至廟中。乃仰臥。命衆人曰。可覆我。衆人不敢覆。視之已去矣。遂覆而埋之。舉之甚輕。不類有人者。予聞而大異焉。